


Nr.regj. 30760/2012

GJYKATA KOMUNALE PËR KUNDËRVAJTJE NË PRISHTINË, duke vendosur në procedurën për kundërvajtje kundër të pandehurit Fadil Ismajli nga Prishtina, për kundërvajtje nga neni 8 lidhur me nenin 5.1 dhe 6.2 të ndëshkuar me nenin 17 parag. 1.1 të Ligjit për Deklarimin, Prejardhjen dhe Kontrollin e Pasurisë dhe të Dhuratave të Zyrtarëve të Lartë Publik, Nr. 04/L-050, në bazë të nenit 73,74,195,199 të Ligjit mbi Kundërvajtjet GZK 23/79, me datë **12.10.2012** merr këtë:

AKTVE N D I M

I PANDEHURI: **Fadil Zuka Ismaili**, i lindur më 20.01.1959 në fshatin Tupallë, jeton në Prishtinë, me vendbanim në rrugën "Afrim Loxha" nr.9/6, Kryeshef Ekzekutiv në KOST me shkollim superior, i martuar, babë i tre fëmijëve, i gjendjes së mirë ekonomike,



Ë s h t ë P ë r g j e g j ë s

Sepse, si Zyrtar i Lartë Publik, në pozitë të Kryeshefit Ekzekutiv në Operatorin e Sistemit, Transmisionit dhe Tregut, Sh.a "KOST", nuk e ka bërë deklarinimin e rregullt të gjendjes së pasurisë në Agjencinë Kundër Korrupsionit, brenda afatit ligjor deri më 31.03.2012,

- me çka ka kryer kundërvajtje nga neni 8 lidhur me nenin 5.1 dhe 6.2 të ndëshkuar me nenin 17 parag.1.1 të Ligjit për Deklarimin, Prejardhjen dhe Kontrollin e Pasurisë dhe të Dhuratave të Zyrtarëve të Lartë Publik, andaj të pandehurit për këtë kundërvajtje i shqiptohet,

D Ë N I M I

Me gjobë në shumë prej 1000 € (njëmijë euro), të cilën shumë i pandehuri është i obliguar ta paguaj në afat prej 15 ditësh, pasi që ky aktvendim të merr formë e prerë, në llogarinë e të hyrave gjyqësore të KGJK-së No.1000 4300 7000 0518. PAGESA bëhet në ndonjërin agjenci për mbledhjen e të hyrave-bankë, përmes urdhërpaguesës së plotësuar nga Gjykata. Nëse gjobën e shqiptuar nuk e paguan në afatin e dhënë, e njëjta do të zëvendësohet me dënim burgimi në kohëzgjatje prej 30 ditësh, duke llogaritur nga 15 Euro për një ditë burgimi. Shpenzime të procedurës nuk ka pasur, kurse në emër të paushallit gjyqësor i pandehuri është i obliguar të paguaj shumë prej 5 Euro në shërbimin e arkës së gjykatës.

Nga një kopje e këtij aktvendimi i dërgohet parashtruesit të kërkesës dhe të pandehurit.

A r s y e t i m

Agjencia Kundër Korrupsionit në Prishtinë, i parashtroi kësaj gjykate Kërkesën 01-2497/2012 me datë 30.07.2012 për fillimin e procedurës kundërvajtëse ndaj të pandehurit të lartshënuar për kundërvajtjen e precizuar si në dispozitiv të këtij aktvendimi.

Në bazë të kërkesës së parashtruar, gjyqtarja filloi procedurën kundërvajtëse, mori në pyetje të pandehurin i cili në mbrojtjen e vet deklaroi se e pranon kundërvajtjen e cila i vihet në barrë duke shtuar se ka qenë me kohë i njoftuar nga zyrtari kontaktues për obligimin ligjor të deklarimit të rregullt të pasurisë, por për shkak të obligimeve në punë si dhe angazhimeve shtesë në grupin negociator, nuk ka arritur të dorëzojë me kohë deklarinimin e pasurisë, ndonëse këtë obligim e kishte kryer nëpërmjet të autorizuarit të tij me datë 03.03.2012 për çka prezanton si dëshmi vërtetimin e AKK për konfirmim të pranimit të deklarimit të të njëjtës datë.

03-3801/12/04
feng

Nga të dhënat në kërkesë, vlerësimi i deklaratës së të pandehurit, shqyrtimi i provës materiale dhe i shkresave të tjera të lëndës, administrimi i secilës veç e veç dhe të gjitha së bashku, gjyqtarja në masë të mjaftueshme vërtetoi gjendjen e plotë dhe të drejtë faktike, ekzistimin e veprës kundërvajtëse dhe përgjegjësisë së të pandehurit për këtë kundërvajtje meqë i njëjti ka neglizhuar çështjen e deklarimit të pasurisë duke mos i kushtuar rëndësinë e duhur, ndonëse ligjërisht ka pasur afat prej 30 ditësh për ta përmbushur këtë obligim për të cilin aq më tepër ka qenë në dijeni edhe nga vitet paraprake, andaj gjyqtarja për kundërvajtjen e kryer i shqiptoi minimumin e dënimit të paraparë me ligjin 04/L-050 si ligj special me prioritet në raport me ligjin procedural të kundërvajtjes.

Gjatë shqiptimit të dënimit gjyqtarja pati parasysh rrethanat nga neni 7 i LK në të cilat është kryer kundërvajtja dhe sipas peshës së kundërvajtjes e shkallës së përgjegjësisë së pandehurit, e duke vlerësuar edhe personalitetin e të pandehurit e lartësinë e të ardhurave mujore dhe faktin se i njëjti ka bërë deklarinim ende pa u njoftuar për ngritjen e procedurës kundërvajtëse, të cilat i konsideroi si rrethana lehtësuese, njëjtin e dënoi me dënim me gjobë minimale, të precizuar si në dispozitiv të këtij aktvendimi, me bindje se edhe me një gjobë të tillë do të arrihet qëllimi i ndëshkimit dhe se i pandehuri në të ardhmen do të shmanget nga kryerja e ndonjë kundërvajtjeje të natyrës së tillë apo të ngjashme.

Me sa u tha më lartë u vendos si në dispozitiv të këtij aktvendimi.

U VENDOS NË GJYKATËN KOMUNALE PËR KUNDËRVAJTJE NË PRISHTINË
Nr.regj.30760/2012, datë 12.10.2012

Gjyqtarja
Suzana Çerkini

KËSHILLA JURIDIKE

Këshilla Juridike e Komititetit të Kësaj Gjykate, aktvendimi pala e pakënaqur ka të drejtë ankese në afat prej 8 ditësh Gjykatës së Lartë për Kundërvajtje në Prishtinë, nga data e pranimi të njëjtit nëpërmjet kësaj gjykate, pa taksa.

